



UN VISITA A STONEHENGE

Le narrator: *Sud-west de London – plus exactemente 137 kilometros – in le direction verso Cornwall es situate Stonehenge, un loco multo ancian e mysteriose in le sud de Anglaterra. Stonehenge es un grande construction de enorme petras, construite e reconstruite plure vices. Nostre tres amicos ha seligite un die con sol pro visitar le monumento impressionante.*

Petro: Huh, io non sapeva que io haveva expectate, ma isto certo supera toto.

Anna: Si, iste monumento certo es extraordinari in omne manieras. Pensa solamente, como on ante tante annos ha potite placiarse iste enorme petras in un tal altitude.

Paulo: Si, le petra le plus grande es septe metros alte.

Petro: Ma quanto pesa iste enorme petra?

Paulo: Secundo le guida, le peso de iste petra es quaranta-cinque tonnas. Isto es como le peso de duo autobuses!

Anna: Duo autobuses? Ma on non haveva autobuses in le etate de petra. Como transportava on iste enorme petras?

Petro: Io crede memorar haber legite que on usava trabes – arbores abattite, ubi on ha removite le brancas, assi que illos pote rolar.

Paulo: Isto es toto correcte. Le guida dice que un parte del petras veniva ab Galles, que es al nord de nos, durante que altere petras veniva de Anglaterra.

Anna: In omne caso, il es incomprendibile como on ha potite mover pecias si pesante tanto distantemente ante quatro milles – o quatro milles e cinque centos – annos. Io es impressionate.

Petro: Io anque. Ma que nos non sta ci e es impressionate – que nos va al monumento. Io es excitante e desira tocar iste ancian petras.



Anna: De accordo, que nos vadera!

Le narrator: *Malgrado le bon tempore, il non ha un fluxo de touristas hodie. Dunque il ha spatium pro studiar tote le detalles del construction.*

Paulo: Fascinante! Simplemente fascinante. Solmente le idea de crear un circulo duple con le petras le plus grande in le circulo exterior e le petras minus grande in le circulo interior...

Anna: ... e le grande petras placiante al summitate de illos.

Petro: Megalithos.

Anna: Que dice tu, Petro?

Petro: Megalithos. Isto es le nomine plus scientific de tal grande petras.

Paulo: Illos vermente anque es “mega”, quando on sta vicin a illos. E vide, como elegantemente le constructores ha taliate los – specialmente in alto, ubi le petras transverse es placiante.

Anna: Huh, sperabilemente le construction es ben sustenite.

Petro: Io crede que si. Usque hodie illo ha remanite como isto desde le construction plus que quatro milles annos retro. Io assume que illo remanera ancora alcun dies...



Anna: Petro! Non joca con tal cosas!

Paulo: Vos sape que multes pensa que Stonehenge esseva construite como un monumento pro celebrar le sol.

Petro: Si, io ha vidite in le novas televisive, como cata anno milles de personas arriva a Stonehenge le vinti-un de junio. Illes vole celebrar le solsticio estive – le tempore quando le die es le plus longe durante tote le anno.

Anna: Io pote ben imaginar que illo essera phantastic esser presente inter iste gigantes e experientiar como le sol se pone – con colores jalne e orange verso le celo blau durante un belle vespere del estate.

Paulo: Si, e probabilemente absolutamente silente, proque le distantia al urbes es si grande. On pote certo sentir se como un druida.

Petro: Il es impresionante que le constructores – quicunque illes esserea – ha potite mesurar ubi placiari le petras, excusa: megalithos, si precisamente que le radios del sol a exactemente iste die le plus longe del anno illumina le centro del circulo in exactemente le bon angulo.

Anna: Stonehenge es un mysterio! Io es felice haber finalmente visitate lo.

Paulo: Io certo anque!

Petro: E io!

Anna: Vide la!

Paulo: Un turista? Que es si special super illa?

Anna: Non vide vos que illa porta in le mano?

Petro: Un tasca?

Anna: Correcte. Ma non vide vos qualcosa special sur iste tasca?

Paulo: Ha ha, si, ora io lo vide: Un semi-circulo rubie con le silhouette de Stone-



henge in nigre e alora un motto humoristic.

Petro: Io simplemente non pote leger lo. Que dice le motto?

Anna: Illo es in anglese: “Stonehenge Rocks!” Isto es impossibile a traducer in interlingua, proque illo es un joco anglese. Ma un tal tasca io debe comprar in le boteca touristic, quando nos exi del area!

Paulo: Alora tu, Petro, pote cercar un T-shirt con le texto “Io ha un corde de Petra”...!


Anna: Ha ha ha!





UN VISITA A STONEHENGE

1 In qual direction de Stonehenge es situate iste urbes e areas (reguarda le mappa in le pagina anterior e le compasso ci a dextere)?



- A. London: _____
- B. Scotia: _____
- C. Galles: _____
- D. Francia: _____

2 “Le tempore fugi,” dice on, ma cognosce tu le expressiones correcte in interlingua? Nota le expression correcte del tempore in le phrases:

durante un anno • in dece dies • desde tres annos • intra un anno • duo annos retro / ante duo annos • un vice per anno • desde multe annos

- A. Ille ha sonate guitarra _____
- B. Illa recipeva su permisso de conducir _____
- C. Illes habera vacantias _____
- D. Io non ha mangiate cosas sucrate _____
- E. Illa ha perditte multe peso _____
- F. Le familia va a vacantias circa _____
- G. Le juvene puero ha apprendite interlingua _____

3 Un quiz super Stonehenge – quanto sape tu, e pote tu obtener cinque punctos correcte?



1. Stonehenge es inter le plus famose monumentos prehistoric in Europa. Ubi es illo situate?

- a. Galles b. Scotia c. Anglaterra

2. On parla de “petras blau” in Stonehenge. Que es illos?

- a. petras originalmente pingite blau b. petras transportate ab distantia a Stonehenge c. le petras le plus grande in Stonehenge

3. Como usava le druidas Stonehenge?

a. illes non lo usava del toto b. illes lo usava como un observatorio astronomic c. illes lo usava como un templo religiose

4. Quando esseva Stonehenge create?

- a. ante 4.000 annos b. ante 2.000 annos c. ante 2.500 annos

5. Que es un megalitho?

- a. un petra ancian b. un construction de petras c. un petra grande

4 Explica que es un “druida” – e de ubi tu cognosce le expression.

Responses: 1. A. nordest; B. nord; C. nordwest; D. sud – 2. A. desde tres annos; B. duo annos retro/ante duo annos; C. in dece dies; D. desde multe annos; E. intra un anno; F. un vice per anno; G. durante un anno – 3. 1C 2B 3C 4A 5C